



## Universitätsbibliothek Paderborn

**Exacta Facti Species Cum solida Remonstratione non  
existentis Prætensæ Electionis Serenissimi Principis  
Josephi Clementis Bavariæ Ducis junctâ resolutione  
diversarum quæstionum pro firmando ...**

**[Ort nicht ermittelt], Anno M.DC.LXXXIX.**

Vacante per obitum Serenissimi & Reverendissimi Domini, Domini  
Maximiliani Henrici utriusque Bavariæ Ducis ...

**urn:nbn:de:hbz:466:1-38262**



V acante per obitum Serenissimi & Reverendissimi Domini, Domini Maximiliani Henrici utriusque Bavariae Ducis gloriose memorie, qui die 3. mensis Junii Anno 1688. Viam universae carnis ingressus est, Archi-Episcopatu, & Electorali Principatu Coloniensi, Decanus & Capitulum Metropolitanæ Coloniensis Ecclesiæ, volentes obviare periculis & dispendiis, quæ Ecclesiæ viduatis ex diuturna vacatione non raro imminere solent, ad celebrandam Canonicam Electionem, vel postulationem novi Archi-Episcopi, & Principis Electoris unanimi consensu diem 19. Mensis Junii labentis Anni 1688. præfixerunt, & ad eum effectum solitas citationes relaxarunt, easque debitè in Personas & ad valvas intimari fecerunt: Currente hujusmodi citationum termino, non defuerunt consilia, ad Eminentissimum Cardinalem Landgravium de Fürstenberg, hujus Metropolitanæ Ecclesiæ Decanum, tam ab Electione passivâ, quam postulatione excludendum, ardenti calore agitata, in quorum sequelam, per Sacrae Cæsareæ Majestatis Legatum, Excellentissimum Dominum Comitem de Kauniz, die 14 prædicti mensis Julii, Illustrissimo Capitulo prælecta fuerunt, nonnulla motiva ad hujusmodi exclusionem tendentia, acri sanè calamo conscripta, quæ, cùm præliminari illis propria responsione exhibentur Summario N. I. Citationibus N. I. porro prætactis in Capitulo ad celebrandam Electionem vel postulationem indicio debitè reproductis, ut ad actum Electionis, vel postulationis procederetur Canonice, Eminentissimus Dominus Cardinalis Landgravius de Fürstenberg, uti Decanus, & in ea qualitate Capituli Præses, omnes &

A singulos

singulos præsentes Dominos Capitulares numerum 23. Constituentes monuit, ut si aliquis eorum absentis legale mandatum haberet, illud ipsum produceret, seque ad votum absentis nomine dicendum qualificaret; quā monitione factā, cum ab Illustrissimo Domino Comite de Königs Eck informis quædam clausa scriptura loco prætensi mandati procuræ Serenissimi Principis Hermanni Marchionis Badensis exhiberetur, adjunctā sub numero 2. de illius notoria nullitate ex causis infrā latius deducendis, mox oppositum fuit: Subsequenter memoratus Eminentissimus Dominus Præses, suo pariter ac totius Capituli nomine, omnes & singulos monuit, ut si qui excommunicati, suspensi, interdicti, irregulares aut alio quovis modo inhabiles adessent, egredierentur, & si qui similius Procuratores constituti forent, mandatis eorum nullatenus uterentur, additā protestatione, quod eorum voces nullideberent, aut possent præstare suffragium vel adferre nocumentum, & quod pro non receptis, & pro non datis haberentur.

Et cum Notorium sit, quod viduatis Cathedralibus, & Metropolitanis Ecclesiis, per tres potissimum vias Canonicas provideri consueverit, videlicet per viam Canonicae Electionis, vel solemnis postulationis vel Electionis & postulationis simul, eligendo & postulando, pro ut de jure melius valere potest, dum de alicujus eligibilitate probabiliter dubitatur; in his vero viis forma scrutinii in Concilio generali Lateranensi *& Cap. quia propter 42. de Elect. præscripta, soleat esse magis usitata, & uno vel pluribus Capitularibus potentibus à toto Capitulo necessariò servanda. Mandagot. de Elect. cap. 12.* & quæ signanter in hac Metropolitanâ Coloniensi Ecclesiâ hactenus circa Electiones Archi Episcoporum fuit observari solita, prout formam dicti scrutinii in Electione Serenissimi ultimo defuncti observatam fuisse per processum super ejusdem Electione expeditum. Illustrissimo Domino Nuncio Apostolico alias formam per scedulas complicas,

ecatas, ad instantiam Sacrae Cæsareæ Majestatis Legati Excellent. Domini Comitis de Kaunitz proponenti demonstratum fuit; Idcirco facta per Eminentissimum Dominum Præsidem Dominis Capitularibus propositione, per quam formam ad Electionem vel postulationem procedendum fore judicarent, exquisitis singulorum votis, per majorem Capituli partem conclusum fuit, per formam scrutinii in dicto Concilio generali & Cap. Quia propter, præscriptam fore, & esse procedendum, assumptisque, per unanimia vota, tribus ex gremio Capituli Scrutatoribus fide dignis, videlicet Illustrissimo D. Comite de Rittberg, Scholastico, & Celsissimo Duce de Croy, ac R<sup>mo</sup>. D. Henrico Mehring, Seniori Presbytero Canonico Capitulari, ad exquisitionem votorum in loco separato ad id specialiter adornato, secretè & sigillatim canonice processum, iisque in scriptis redactis, & mox in Communi publicatis, habitaque collatione diligenti, compertum fuit, tredecim vota in unum, novem in alium, ac unum in unum, & unum pariter in unum directa fuisse. Et facta per D.D. scrutatores propositione, utrum minora majoribus vellent accedere? major Capituli pars affirmativè respondit, cuius concluso Reverendissimus Dominus Canonicus Geyr accessit, ita ut per hujusmodi accessum quatuordecim vota in unum fuerint directa. Petente subsequenter Reverendissimo Domino Canonicō Becquerer, ut tam Electio, quam postulatio publicaretur, & responsodata ab Illustrissimo D. Comite de Rittberg Scholastico, & primo Scrutatore, quod ejus muneri incumberet de illo duntaxat Communem Electionem vel postulationem facere, in quem majora vota essent directa, is ex tunc Potestate sibi à majore parte Capituli datā, solemnem postulationem suo & majoris partis Capituli nomine, fecit in modum sequentem videlicet

A 2

In